

BORTZIRIETAN PROIEKTUA BURUTZEN DUTEN IRABAZI-ASMORIK GABEKO ENTITATEEI DIRULAGUNTZA BANAKETA

I. XEDEA

Dirulaguntza honen helburua da Bortzirieta herrietan egiten diren eta Bortziriarei eskainitako proiektuak diruz laguntzea.

Deialdiaren laguntza proiektu edo zerbitzuak finantzatzeko izanen da. Ez dira hitzaldiak diruz-lagunduko.

Entitate bakoitzak bi proiektu edo zerbitzu finantzatzeko eskaera egin dezake.

Proiektuak edo zerbitzuak 2025eko urtariletik azaroa bitartean burutuak izan beharko dute, hau da, soilik kontuan hartuko dira urtariletik azaro bitarteko gastuak.

II. ESKABIDEAK AURKEZTEKO TOKIA ETA EPEA

Eskaerak aurkezteko tokiak: eskabidea behar bezala beterik aurkeztu beharko da Mankomunitatearen egoitza elektroniko bidez: www.bortziriakgz.eus.

Ez dira email bidez edo aurrez aurre aurkezturiko eskaerak onartuko.

Eskaerak aurkezteko epea: Eskabideak aurkezteko epea hilabetekoa izanen da, deialdi hau Nafarroako Aldizkari Ofizialean argitaratu eta biharamunetik hasita.

Epez kanpo sartutako eskaerak edo bertze bideetatik sartutako eskaerak bazterturik geratuko dira.

III. AURKEZTU BEHARREKO DOKUMENTAZIOA

Eskaerak datu hauek jasoko ditu, daturen bat faltako balitz eskatzaileari utzitako harreman bideen bidez gehitzea eskatuko zaie:

Eskabide orokorra (instantzia ofiziala: eskatzailearen datuak eta harremanetarako bideak zehaztu eta entitate eskatzailearen datuak).

Proiektua: Burutu beharreko proiektuaren azalpena (proiektuaren edo jardueraren ezaugarriak, bete nahi diren helburuak, burutu beharreko jarduera zehatzak, zer metodologia erabili behar den proiektua garatzeko, eta zer giza baliabide, baliabide material eta finantza-baliabide dauden, ...). Ezingo da datu pertsonal edo identifikagarriak eskaini. Eta 17/2019 foru legeak, Emakume eta gizonen berdintasunerakoak, jasotzen duen moduan, sortzen diren dokumentu eta materialek zein zerbitzu edo programek hizkuntza inklusiboa eta berdintasun baloreak zein genero rol ez estereotipatuak edo erantzunkidetasun baloreak adierazi beharko dituzte.

Alderdi ekonomikoak eta beste agiriak:

- Proiektuaren jarduera bakoitzaren aurrekontua atal hauek, nahitaez adierazita:
 - Aurrekontuaren zenbatekoa.
 - Diru-sarreraren aurrekontua.
 - Dirulaguntza honetatik gutxi gorabehera kobratu nahi den diru-kopurua. Eta zehazki zertara bideratzeko asmoa dagoen.
 - Aipatu proiektua garatzeko bertze erakunde batzuek eman beharreko dirulaguntzak.
- Banku edo aurrezki kutxako ziurtagiria, kontu korrontearen zenbakia eta IFZa jasoko dituen diru-transferentzia egiteko.
- Nafarroako Gobernuak Elkarleen Erregistroan behar bezala erregistratuak egotea.
- Gizarte Segurantzarekiko eta Nafarroako Zerga Ogasunarekiko zerga guztiak kitatuak izatea.
- Bortzirietako udalekin (hau da, Arantza, Igantzi, Etxalar, Bera edo Lesakako udalekin) zorrik ez dagoela egiaztatzen duen ziurtagiria.

IV. ERABILIKO DIREN EBALUAZIO IRIZPIDEAK:

Dirulaguntzak emateko ebaluazio batzordeak alderdi hauek hartuko ditu kontuan:

- a) Dirulaguntza honekin lagundu nahi den proiektuaren interes soziala Bortzirietan: **0tik 12era arteko puntuazioa emanen da.**
 - Proiektua Bortzirietako zenbat herrietan eskaintzen da.
 - Bortzirietako onuradun kopurua (datuak sexuaren arabera bereiztu beharko dira)
 - Erabiltzaileen perfila
 - Hasetzen den beharra
 - Bortzirietako baliabideekin duten osagarritasuna, elkarlana
- b) Proiektua aurrera eraman duen entitateak Bortzirietan duen presentzia edo eragina: **0tik 8ra arteko puntuazioa emanen da.**
- c) Burutu beharreko jarduerak duten osagarritasuna maila profesionalean: **0tik 1era arteko puntuazioa emanen da.**
- d) Kanpoko bideragarritasun ekonomikoa, hau da, bertze entitateei dirulaguntzarik eskatzen ote zaion gastuetan laguntzeko. **0-tik 3ra arteko puntuazioa emanen da.**

V. ESKAEREN EBALUAZIOA

Dirulaguntzak emateko proposamena balioetsi eta egiteaz arduratuko den Batzordea Gizarte Zerbitzuko teknikariek eta idazkariak osatuko dute.

Laguntzarako eskubidea izateko nahitaezkoa izanen da gutxienez ere 9 puntu lortzea.

Laguntzarako eskubidea izan ondotik onuradunak uko egingo balio, Gizarte Zerbitzuari jakinarazi beharko dio horretarako eskaintzen diren komunikazio bideetatik. Eta beraz esleitutako diru kopurua beste eskatzaile onuradunen artean banatuko da.

Balorazioak egin ondotik falta den dokumentazioa eskaintako harreman bide idatziaren bidez eskatuko da. Falta den dokumentazioa aurkezteko 10 egun balioduneko epea emango da. Oinarri hauetan eskatu den dokumentazio guztia ez aurkezteak eskatzailea dirulaguntzaren onuradun izatetik kanporatuko du. Eta esleitutako diru kopurua beste eskatzaile onuradunen artean banatuko da.

Konpromisoak ez betetzeagatik, eta Batzordeak beharrezkotzat jotzen badu, dirulaguntza geldiarazteko eta itzultzeko eskatuko dio entitateari, honako arrazoi hauengatik:

- a) Dirulaguntza jasotzea baldintzak bete gabe.
- b) Nahitaez egin behar diren egiaztapenak errefusatzeko edo oztopatzea.
- c) Justifikazio ekonomikoa epe barnean ez aurkezteagatik edo/eta esleitutako diru kopuru guztia ez justifikatzeagatik.

Deialdi honekin lotutako gastuei aurre egiteko, 2025eko aurrekontuan kreditu egoki eta nahikoa dago.

Batzordeak proiektuen balorazioa egingen du, eta zehaztuko du eskatutako gutxienerako puntuazioak gainditu dituzten proiektuei zer zenbateko dagokien. Inoiz ez da eskatu baino diru kopuru handiagoa emanen.

Gutxienerako puntuazioak lortu dituzten entitate eskatzaileek eskatzen dituzten zenbatekoen batura deialdiko kredituaren parekoa edo txikiagoa bada, eskatutako zenbatekoa emanen zaio eskatzaile bakoitzari.

Batura hori deialdiko kreditua baino handiagoa bada, banaketa hainbanatu egingen da eskatzaileen artean. Horretarako, gutxienerako puntuazioak lortu dituzten eskatzaile guztien puntuak batuko dira, kreditu erabilgarria zenbateko horretaz zatituko da, eta horrela lortuko da puntuaren balioa. Eskatzaile bakoitzak jasoko duen zenbatekoa kalkulatzeko, balio hori lortutako puntuekin biderkatuko da.

VI. ESKAEREN EBAZPENA ETA DIRULAGUNTZAREN JUSTIFIKAZIOA

Balorazio batzordeak, eskaerak aztertu ondoren, eta Mankomunitateko Lehendakariaren ebazpen bidez, erabakia berretsi beharko du. Ondoren eskatzaileei jakinaraziko zaie jasoko duten dirulaguntzaren zenbatekoa eta ordainketa berehala egingen da.

2025ko azaroak 28rako jaso den diru kopurua eskatutako proiektuan erabilia izan dela justifikatzen dituzten fakturak aurkeztu beharko dira, baita proiektuaren memoria laburtua edo zerbitzuaren argazkiren bat ere, datu pertsonalik eman gabe.

Justifikazio dokumentuen aurkezpena egoitza elektronikoan egin beharko da (www.bortziriakgz.eus). Betebehar hau egiten ez duenari dirulaguntza itzultzea eskatuko zaio osotasunean edo justifikatu gabe utzi duen kantitatean.

Agiri honetan aurreikusten ez diren kasuetarako, Batzordeak ebatziko du nola jokatu den.

Dirulaguntza banatzeko oinarri eta irizpide hauek 2025eko martxoaren 25ean eginiko Mankomunitateko bileran onetsiak izan dira.